



Republika e Kosovës

Komuna e Drenasit

Kuvendi i Komunës

Nr. 12-060/01-14051.20-03 2020



**Mbledhja e rregullt
Kuvendi Komunal
28.02.2020**

PROCESVERBALI

I mbledhjes se rregullt të Kuvendit Komunal të Drenasit të Mbajtur më datë: 28.02.2020

Mbledhjen e kryesoi: Gani Podrimqaku- asambleist, në mungesë të Kryesuesit z. Labinot Halilaj.

Kryesuesi deklaroi të hapura punimet e mbledhjes të rregullt të Kuvendit Komunal ku të pranishëm ishin 30 anëtarë .

Kuvendi filloi punimet më këtë :

Rend dite:

- 1.Procesverbali i mbledhjes së Komitetit për Politikë dhe Financa të dt. 24.01.2020.
- 2.Propozim Vendim për miratimin e Propozimit Profesional për Shpalljen e Lokalitetit të Boshtres (Forsythia europaea) në Golesh si monument i mbrojtur i natyrës për arealin e kësaj bime (Sankos) në pjesën e Komunës së Gllogocit.
- 3.Rregullore për Organizimin e Punës në institucionet Edukativo-Arsimore në Komunën e Drenasit.
- 4.Raporti vjetor i punës së Kryetarit dhe Qeverisjes Lokale për vitin 2019.
- 5.Propozim vendim për miratimin e Statutit të ri të QKMF-së Drenas.
- 6.Draft-Propozim për ndryshim-plotësimin e Rregullores për Taksa, Tarifa, Ngastra dhe Gjoba 2020. E plotësuar.
7. Propozim vendim për caktimin e qirase profitabile për përfituesit e programit të veçantë të banimit.
- 8.Të ndryshme

Prezent gjatë mbledhjes së rregullt të datës 28.02.2020 ishin: Kryetari i Komunës Ramiz Lladrovci, nenkryetari i Komunës z. Nazmi Hasi, përfaqësues të KFOR-it, përfaqësues të OSBE-së, zyrtar të Komunës, 29 anëtar të Kuvendit Komunal, z. Gani Podrimqaku asambleist i cili Udhehoqi seancën, në mungesë të kryesuesit të Kuvendit Komunal z. Labinot Halilaj.

Z.Gani Podrimqaku- pasi përshendeti të gjithë deklaroi të hapura punimet e mbledhjes së rregullt të Kuvendit Komunal, i njoftoi me rendit të ditës dhe njoftoi se Drejtori i Shëndetësisë e ka edhe një pikë shtesë: **Propozim vendim për caktimin e qirase profitabile për përfituesit e programit të veçantë të banimit.**

Drejtori i Shëndetësisë Arsim Haxhiu- e kemi edhe një pikë shtesë: Propozim vendim për caktimin e qirase profitabile për përfituesit e programit të veçantë të banimit. Kekroj që këtë propozim vendim me e shti në rend dite, ju ftoj ta votoni.

Z.Gani Podrimqaku- me këtë pikë shtesë hodhi në votim rendin e ditës, prezent gjatë takimit ishin 28 anëtar:

Për votuan 27 anëtar

Kunder nuk pati

Abstenim 01.

Z.Gani Podrimqaku- hapi diskutimin për piken e parë të rendit të ditës: **1. Procesverbali i mbledhjes së Komitetit për Politikë dhe Financa të dt. 24.01.2020.**

Pasi që nuk pati diskutime, vërejtje apo sugjerime z. Gani Podrimqaku hodhi në votim këtë pikë të rendit të ditës, prezent gjatë votimit ishin 28 anëtar:

Për votuan 27 anëtar

Kunder nuk pati

Abstenim votuan 1 anëtar.

Z.Gani Podrimqaku- hapi diskutimin për piken e dytë të rendit të ditës: **2. Propozim Vendim për miratimin e Propozimit Profesional për Shpalljen e Lokalitetit të Boshtres (Forsythia europaea) në Golesh si monument i mbrojtur i natyrës për arealin e kësaj bime (Sankos) në pjesën e Komunës së Glllogocit.**

Drejtoresha për Planifikim Hapsinor Flutura Avdiu- para jush e keni Propozim Vendim për miratimin e Propozimit Profesional për Shpalljen e Lokalitetit të Boshtres (Forsythia europaea) në Golesh si monument i mbrojtur i natyrës për arealin e kësaj bime (Sankos) në pjesën e Komunës së Glllogocit, njoftoi se për hartimin e arsyeshmërisë profesionale për shpalljen e lokalitetit të Boshtres (Forsythia europaea) në Golesh si Monument i mbrojtur i natyrës, Agjencisë për Mbrojtje të Mjedisit të Kosovës, Ministria e Mjedisit dhe Planifikimit Hapësinor, me vendimin Nr.7519.18 të datës 17.12.2019, ka formuar Grupin punues nga Ministria e Mjedisit dhe Planifikimit Hapësinor, Agjencia e Kosovës për Mbrojtjen e Mjedisit, Instituti i Kosovës për Mbrojtjen e Natyrës, në këtë përbërje:

Qenan Maxhuni, IKMN- kryesues

Valmira Gashi, DMMU- anëtar

Elez Krasniqi, Prof Asoc. Dr. Departamenti i Biologjisë, FSHMN, Universiteti i Prishtinës "Hasan Prishtina"- anëtar

Adnan Bullatovci, Komuna Fushë Kosovë- anëtar

Bajram Sinani, Komuna Lipjan- anëtar

Haki Bekolli, Komuna Glllogoc- anëtar

Përparim Gashi, SIM- anëtar

Pas hartimit të propozimit profesional për shpalljen e lokalitetit të Boshtres (Forsythia europaea) në Golesh si Monument i mbrojtur i natyrës nga grupi punues i formuar sipas vendimit Nr.7519/18 të datës 17.12.2019, nga Ministria e Mjedisit dhe Planifikimit Hapësinor, Agjencia e Kosovës për Mbrojtjen e Mjedisit, Instituti i Kosovës për Mbrojtjen e Natyrës.

Drejtoria për Planifikim Urban dhe Mbrojtje të Mjedisit, me Propozimin 08-Nr.03070788 dt. 13.12.2019, duke u bazuar në Vendimin e Agjencisë për Mbrojtje të Mjedisit të Kosovës të MMPH-së me nr:7518/18 të datës 19.12.2018, për Hartimin e arsyeshmërisë profesionale për Shpalljen e lokalitetit të boshtres (Forsythia europaea) Golesh si monument i mbrojtur i natyrës të paraqitur të Kryetari i Komunës, është kërkuar të merret vendim për lejimin e hapjes së konsultimit publik për Propozimin Profesional për Shpalljen e lokalitetit të boshtres (Forsythia europaea) Golesh si monument i mbrojtur i natyrës për arealin e kësaj bime në Sankoc, në pjesën e komunës së Glllogocit të punuar nga grupi punues sipas vendimit të lartëshënuar.

Kryetari i Komunës, pas shqyrtimit të propozimit 08-Nr.030-70789 dt. 13.12.2019, paraqitur nga Drejtoria për Planifikim Urban dhe Mbrojtje të Mjedisit, bazuar në nenin 13 dhe 58 të Ligjit për Vetëqeverisjen Lokale, Nr.03/L-040 (GZ Nr.28/2008), nenin 72 të Statutit të Komunës së Glllogocit 01-Nr.110-6904 dt. 24.09.2008, ka marr Vendim me të cilin Lejohet fillimi i procedurave për hapjen e konsultimit publik për Propozimin profesional për shpalljen e lokalitetit Boshtres (Forsythia europaea) në Golesh, pjesë e fshatit Sankoc, Komuna e Glllogocit- "Zonë e Mbrojtur në Kategorinë e Monumentit të Natyrës". Në bazë të Vendimit të Kryetarit të Komunës së Glllogocit 01-Nr.070-71395 të datës 17.12.2019, për lejimin e hapjes së konsultimit publik për Propozimin Profesional për shpalljen e lokalitetit të Boshtres (Forsythia europaea) në Golesh si Monument i mbrojtur i natyrës për arealin e kësaj bime (Sankoc) në pjesën e Komunës së Glllogocit, të punuar nga grupi punues, është publikuar Njoftimi për Shpallje Publike në të cilën janë ftuar dhe njoftuar qytetarët për të shprehur mendimet për Propozimin Profesional për shpalljen e lokalitetit të Boshtres (Forsythia Europaea) në Golesh si Monument i mbrojtur i natyrës duke ndihmuar në dhënien e mendimeve, sugjerimeve, komenteve e vërejtjeve për këtë propozim dokument në afat prej 30 ditësh nga dita e hapjes së konsultimit publik.

Vehbi Berisha- cilat janë obligimet ligjore të Komunës së Drenasit në raport me këtë sepse e shikova se ishin edhe dy komuna tjera dhe cilat janë ndalesat tona si komunë pasi ta votojmë këtë propozim vendim qfar ndalesa do të këtë në këtë zonë ?

Drejtoresha për planifikim Hapsinor Flutura Avdiu- obligimet e komunës kryesisht ishin këto që i përmenda më heret ku fillojnë konsultimet publike, ta shpallim në miratim, qdo komunë ka shkuar paralel për me e miratu si zonë të mbrojtur, pastaj të pjesa e obligimeve ligjore është kjo pjesë ndersa të pjesa tjetër pas marrjes së pelqimit dhe pasi të konfirmohet nga MAPL-ja dhe dhenien e pelqimit për kategorizim atëher duhet ta percjellim një raport të detajuar lidhur me ato qka i kemi ne përsiper, ende nuk e kemi të qartë vetem se duhet filluar me procedurat e miratimit për me u shpall monument i mbrojtur i natyres.

Nexhmedin Balaj- edhe unë jam rreth implikimeve që do të vinë pas miratimit të këtij propozim vendimi, mua me shqetesoj fakti se ajo zonë përdoret shumë edhe për kullosa, a do të ndalohen edhe kullosat në atë zonë?

Drejtoresha për planifikim Hapsinor Flutura Avdiu- këto pyetje do t'i adresoj të gjitha tek zyrtari përgjegjes i ministrisë Qenan Maxhuni, se a a do të lejohet për kullosa, besoj që nuk është në afersi të bimës ajo pjesë, ata e kanë specifikuar vetem pjesën tek gurthysi afer monumentit të mbrojtur i natyres ndersa për pjesën tjetër nuk kemi një përgjigje të tillë!

Sokol Bylykbashi- sa i përket këtij dokumenti profesional po besoj se është e qartë dhe u ngrit ketu si pyetje se çka duhet me bo komuna në lidhje me këtë qeshje , po besoj se kjo është e qartë dhe e keni të fq 20 pesë masa që i nderrmerr komuna, dhe këto masa duhet me i nderrmarë. E pati një pyetje: sa i përket bimës cila është vlera e kësaj bime? Dhe një qeshtje që dua ta griti në raport thuhet që afer kesaj zone një operator ekonomik që e ka shfrytezu atë pjesë e ka lënë parcelen ne gjendje që bie ndesh me ligjin, çka mundet për të bërë komuna në raport me atë operator të papëgjegjshem ekonomik që e ka lënë atë parcellë ne atë gjendje jo të mirë, pra a mundet komuna me nderrmarë diçka?

Kryetari i Komunës z. Ramiz Lladrovci- ne operatorit bashk me juve qe ia kemi marrë atë parcellë për të cilën e ka shfrytezu në mënyrë të eger e ka shfrytezu në mënyrë të kunderligjshme dhe e kemi dërguar në proces gjygesor është nën hetime, siç edhe ai njëkohesisht na ka dergu në Ministri të Pushtetit Lokal, ne e kemi padit edhe në konteskt civil për ta kompenzuar gjithë atë dëmtrim që ia ka bërë komunës.

Drejoresha për planifikim Hapsinor Flutura Avdiu- karakterisitika e kësaj bime si momunemt i mbrojtur i natyres nga eksperetet e ministrise se mjedisit kanë thënë se menyra e shtrirjes se kësaj bime është një karakteristike e veqante, dobite e saj janë kryesisht te natyres mjekesore është një bimë sheruese, menyra se si është shtrire tek pejsa e Sankocit e bënë më të veqantë dhe e bënë me të veqante dhe e kanë paraparë me e shpallë këtë si zone të veqant.

Z. Podrimqaku hodhi në votim këtë pikë të rendit të ditës: prezent gjatë votimit ishin 27 anetar:

Për votuan 22 anetar

Abstenim05

Kunder nuk pati.

Z. Podrimqaku -hapi diskutimin për piken e tretë të rendit të ditës: **3.Rregullore për Organizimin e Punës në institucionet Edukativo-Arsimore në Komunën e Drenasit.**

Beqir Kiqina - pasi përshendeti të gjithë, sa i përket kësaj rregullore kisha pas shumë qeshtje me grit por e përgezoj drejtorin e Arsimit paqi që ka insistuar më e formu një rregullore të re për Organizimin e Punës në institucionet Edukativo-Arsimore në Komunën e Drenasit, pasi që e dimë që arsimi ne Drenas ballafaqohet me probleme të ndryshme, e njeri nder problemet kryesore janë emerimet e drejtoreve të një pas njeshem të ngarim shkarkimit në mënyra të ndryshme por që nuk e kanë pas guximin deri më tani me u marrë me problemet aktuale që po ballafaqohet arsimi në Drenas, i kemi skandalet e njepasnjeshme, që nuk dua të hyjë në thelb t'i përmendi sepse opinioni publik i dinë të gjitha. Sa i përket organizimit dhe të këtij propozim vendimit shpresoj që shumica e kuvendareve janë për sepse jemi të interesuar që në komunën tonë të organizohet të sistemohet në bazë të rregullave, normave ligjore juridike, siç janë të propozuara edhe nga ministria e Arsimit edhe nga rregulloret e Kuvendit Komunal, unë i kam disa qeshtje si kërkesë me i adresu tek Drejtoria për Arsim për problemet në të cilën ballafaqohet Drenasi: 1. Organizimi i Arsimit në komunën tonë, kemi pas shumë probleme me mënyrën e organizimit, e dimë që komuna jonë se pari për me organizu një sistem të mirëfillt arsimor duhet që më i kry obligimet e veta ndajoperatoreve ekonomik, që është një borgj i vazhdueshëm që komuna i ka mbet operatoreve ekonomik të cilet kanë transport dhe i kanë bart nxenesit për në shkollë- shtëpi transportin, kjo është një borgj i komunës i cili me u adresu dhe duhet me iu pagu atyre kompanive të cilat janë marrë me këtë qeshje, kemi nderhyrjet politike dhe emerimet, të gjithë e dimë se për me u organizu një sistem i mirëfillt arsimor në komunën duhet me iu ik sa ma shumë emerimeve politike naper shkolla, ne vitin e kaluar e kemi pas nje problem të cilin kouna e Drenasit është vanuar shumë për ngrohje në shkolla në Komunën tonë dhe për shkak të qeshtjeve te prokurimit është vanuar hapja e tenderit dhe disa ditë nxenesit kanë mbet pa ngrohje, janë ndërhyrjet politike të vazhdueshme, emerimet e drejtoreve, mos respektimi i propozimeve nga MASHT-i mos llogaridhënia janë probleme të vazhdueshme të cilat komuna nuk e ka

sjellë ndonje raport se qka veprojnë shkollat tona, qfare mesimdhenes japin mesim te cilet janë me aktakuza dhe ende nuk kanë marrë masa ndaj atyre, shumë probleme të organizimit të arsimit i kemi në këtë komunë, shpresoj se të gjitha kemi me e dhënë voten për këtë propozim dhe me bërë diqka që me ndryshu dhe mos mendoni me iu ik përgjithesive të cilat i ka pas ky ekzekutiv dhe nuk ka rregulluar asgje!

Kryetari i Komunës z. Ramiz Lladrovci- mos fol kot me thënë i ka shkarku ne mënyra të ndryshme drejtoret, më thuaj vetem nje shkarkim vetem një emer dhe pajtohem me atë që e thua ti. Borgj të transportit publik ceke sepse komuna nuk I ka borgj askujt, ne e kemi për obligim me i pagu borgjet. Puna e nxemjes vitin e kaluar nuk është ashtu siq e ceke. Sa I përket aktakuzave të mesimdhensvee që kane aktakuze seksusale, ceke kush janë ata dhe sigurisht që do të marrim masa menjehere dhe sigurisht që merr vendimin brenda momentit të pare.

Drejtori i Arsimit Muhamet Gjoka- i përshendeti të gjithë, besoj që të gjithë pajtoheni që shkollave në Komunen tonë i ka munguar një rregullore e tille dhe është e domosdoshme që ta kemi në përdorim sa më shpejt, ju ftoj ta mbeshtetni këtë rregullore, i mirëpres komentet, sugjerimet, kritikrat. Ne nuk i frikesohemi kritikave sugjerimeve verejtjeve sepse jemi të interesuar jashtëzakonisht shumë për ta avancuar nivelin e arsimit në komunën tonë. Sa i përket trasnsporitit e kemi me kontrate dhe jeni të obliguar ligjerisht me iu përmbajtë kontrates, ndersa ndonje herë për shkak të alokimit të mjëtëve mund te ketë vonesa akutale mirepo obligimet janë kontraktuale dhe nuk kemi mundesi me iu ik këtyre obligimeve, ne jemi këtu për ta zbatuar kontaten në përgjithesi. Sa I përket emerimeve politike e kemi pas një nderrim të drejtorit që i ka skadu mandati, dhe tani atë që e kmi marrë është ushtrues detyre, dhe nuk ka lidhje me politiken është një profesionist dhe realisht është ushtrues detyre. Siq jeni në dijeni draft rregullorja është punuar prej 7 anetareve dhe ky komision për një kohë të gjatë ka punuar në këtë draft rregullore dhe janë konsultuar gjitha bazat ligjore, udhezimet administative janë konsultuar gjitha. rregulloret e komunave tjera dhe besoj që është rregullore, është rregullorja më e agjruar në këtë aspekt sepse shumica e rregulloreve të qyteteve tjera janë përpiluar ma heret dhe në aspektin kohor jemi në konform legjisacionit në fuqi.

Sabrije Kukaj- unë jam pjesë e hartimit të rregullores, kërkesa në komision për rregullore ka qenë me u fut edhe ligji për arsimin parauniversitar për kodin e veshjes dhe miresjelljes në shkollë për ciklin arsimor, kjo pikë është heq, dhe unë nuk dua të jem pjesë e rregullores kur i heqni disa pjesë, unë nuk dua të jem pjesë e nje komisioni ku po i hiqni këto pjesë, sot po terhiqna nga punimi i kesaj regullore, une kisha dasht me fol për shujten qe paskemi me harru me e fut në rregullore, e mos me dal nxenesit nga oborri i shkollës me shku naper markete, u dasht me e fut shujten për nxenes, ligji për arsimin parafillor neni 3 pika 7, është heq nga kjo rregullore kodi i veshjes dhe sjelljes se puntoreve të arsimit naper shkolla unë nuk jam pjesë e kesaj rregullore më, por rregullorja duhet të jetë mirë e përpiluar duhet të jenë gjerat që na brengosin.

Kimete Bardhi- pasi përshendeti të gjithë, dua të ndalem tek neni 33 dhe neni 42, e dimë që krahas drejtave të nxenesve, nxenesi ka edhe obligime që janë të cekura edhe këtu, dua të ndalem vetem tek pika 33.4 ku thotë të vishet në përputhje me normat pedagogjike arsimore të Republikës së Kosovës dhe të bartë uniformen nese ka, unë përderisa jam në këtë proces arsimor, barjen e uniformes e kisha bërë të obligueshme, gjatë oreve të mesimit të këtë përgaditje të duhura për qdo orë mësimore, dhe përgaditjet e duhura të ora e ed. Fzike dhe sportive, tek kjo orë e kisha bërë të obligueshme që nxenesi me qenë i paisur me trinerka dhe me atlete. Neni 42 thuhet detyrat dhe përgjithesitë e mësimdhenesit kujdestar të klasës, po flas për klasen e 6-9, na nuk kemi orë të veqantë të kujdestarisë, unë propozoj që me qenë orë e veqantë e kujdestarisë të klasës, edhe të ndarja e kujdestareve të klasës e dim psh i kemi mësimdhenës që kanë orë më shumë brenda javës janë mësimdhenesit e matematikës e gjuhes që i kanë nga 5 orë atyre

dmth iu bjen që qdo ditë me qenë në shkollë dhe në e dimë se cili është efekti i kujdestarit të klases, kështu që ne nuk mundemi me e percaktu një kujdestar të klases ne qofte se ai e ka një orë brenda javes sepse roli i tij humb tek nxenesi.

Nënkryetari i Komunës z. Nazmi Hasi- kam qenë i inkorporuar në shqyrtimin e kësaj rregullore që e keni para vetes, të gjithë po pajtohemi se kjo rregullore është hapi parë që mundëson funksionimin efikas normal të procesit edukativo arsimor, mesuesja Sabri e potencoj se është menjëherë neni që ka të bëjë me veshjen dhe dukjen e nxenesve dhe mesimdhënësve mirepo ai nën por edhe rregullorja e përgjithshme, të gjitha nenet janë në formë të përgjithësuar pastaj ekzistojnë dhe duhet t'i marrim edhe hapat tjerë të cilët parashohin edhe aprovimin e 14 rregulloreve tjera, sa i përket veshjes dhe dukjes ne duhet ta përpilojmë hapat tjetër kodin e etikës si për nxenes ashtu edhe për mesimdhënësin, kështu që baza është vënë nëse aprovohet sigurisht, neve na pret edhe një punë tjetër e madhe edhe në përpilimin e 14 rregulloreve tjera me karakter lokal me specifikat e shkollave.

Arta Xhyllani- pasi që kam qenë edhe unë pjesë e komisionit, janë disa gjera që duhet me u ndryshu që ka të bëjë me kujdestarinë, kjo pjesë e kujdestarisë u dasht me u rishqyrtua për shkak se neni 66, nëse nuk mbahet kujdestaria iu hiqet 2.5 % të pages nëse nuk e mban kujdestarinë pastaj ka qenë edhe një problem tjetër 3 % e pages bazë t'i hiqen nëse nuk i plotëson librin amez apo dëftesat edhe këtu e kemi pas si propozim për me e heq këtë përqindje për arsye se nëse kujdestari i klases nuk dëshiron me e plotëso këtë është shumë e thjeshtë sepse 3% e pages bazë është shumë pak për një profesor dhe mund ta tërheq këtë pjesë është pjesë shqyrtuese e neni 26 të aktiviteteve profesionale rendore kisha propozu se e di që me rregullore ndoshta është e ndaluar mirëpo duke pas parasysh komunen tone që nuk ka shumë pjesë turistike ose edhe ato që duhet me i vizitu nxenesit, shtëpa që duhet me ia bërë është me kërkesen ose me dijenin e drejtorit të bëhen vizita studimore edhe jashtë komunës për shkak se e kemi rastin nëse ne bazohemi në këtë rregullore ka qenë rregullorja e Prishtinës, e kemi pas kërkesë edhe neni 27 komisioni disiplinor që prindi të hiqet nga komisioni disiplinor sepse mund të shkaktoj ndonjë qasje indirekte që mund t'i shkaktoj këtij komisioni për nxenesit që do të rrjedhin, si dhe është neni 36 derisa të nxenesit i keni thënë që nxenesi duhet të jetë se paku 10 min para kohë në shkollë, mesimdhënësit i kemi dhënë obligim të paraqitet në shkollë 15 minuta. Dhe kodi i veshjes e kemi cek që me qenë ligji parauniversitar neni 3 pika 7 ju e kemi heq.

Drejtori i Arsimit Muhamet Gjoka - ne nuk e kemi larguar atë pikë të ciles iu referuat tani, vetem nuk e kemi cek decidivisht atë pikë por e kemi marrë vetem udhëzimin dhe komplet kushtetuten ligjet që janë në fuqi, dmth nuk e kemi larguar sepse ka edhe qështje tjera me pika tjera që rregullohen dhe e kemi konsideruar se në aspektin ligjor nuk jemi në rregull nëse referohemi vetem tek një pikë, ka edhe rregullore dhe qështje tjera që janë me interes për procesin edukativo arsimor. Sa i përket kërkesës apo deklarimit public që keni qenë pjesë e komisionit ju falenderoj që keni dhënë kontribut në këtë rregullore komisioni ka qenë i përbërë prej 7 anëtarëve dhe me shumicë votash janë vendosur keto ndryshime për të cilat i diskutuat më heret. Ndërsa pikës tjetër vetem 3% për mos plotësim të ditarit që që I bie saktësisht që I bie 12, e kemi cek aty kemi thënë vetem nëse nuk plotësohet me kohë, sepse plotësimi i ditarit është i domosdoshëm, sa i përket kujdestarisë janë të rregulluara me udhëzim administrativ kjo qështje është e ngritur nga MASHT sepse ne nuk mundemi me shtu diqka ose me heq nëse është në kundërshtim me udhëzime administrative. Sa i përket pikës tjetër për vizita jashtë Komunës së Drenasit, pajtohem plotësisht udhëzimi administrativ e specifikon sakt për nivelin fillor vizitat lejohen vetem brenda territorit të komunës, kjo ka qenë arsyeja sepse kemi pas kërkesa nga mesimdhënësit për vizite jashtë komunës mirepo bie ndesh me udhëzimin administrativ dhe ne nuk kemi pas mundësi me dhënë pelqime për vizita të tilla.

Sabrije Kukaj - sa i përket kujdestarisë e kemi diskutuar se ora e kujdestarisë ka implikime buxhetore, dhe e rrit numrin e punetoreve në arsim gjë që nuk është e mundshme, kodin e veshjes apo uniforma të nxenesit prej klases 1- deri në klasen e 9 është dhënë, ndersa për shkolla të mesme nuk po flas asgjë sepse secila shkollë munden me të rregullore të brendshme në shkollë.

Petrir Gashi - sa i përket rregullores në fshatin Arllat e kam shkuar vet në shkollë një nxenes me nevoja të veqanta dhe mesimdhënesit i duhet të rrij gjithë kohen në klas nuk mundet me e shfrytëzuar as pushimin e shkurtër as pushimin e gjatë dhe të rrij në klas si rezultat i përkujdesjes për atë nxenes, nuk e keni përfshi këtu përkujdesjen për nxenes me nevoja të veqanta e keni në shkollën e Arllatit "Abedin Bujupi" Ndersa të ora e kujdestarisë e ceket më heret e thatë që ka implikime buxhetore dhe për këtë arsye nuk e keni fut oren e kujdestarisë, mirepo nese nuk kemi orë kujdestarie si mundemi me i sanksionu si mundemi me i denu ne ata mesimdhënes kur nuk e kemi definuar një orë të qarte si orë e kujdestarisë. Sa i përket rregulloreës te neni 18 pika 4, pushimi i gjatë gjatë orarit zgjatë 20 min tek shkollat me një ndërrim ndersa tek shkollat me dy ndërrime orari i pushimit zgjatë 15 min, më mirë me i bë për të gjithë 15 min që mos me iu bërë diskriminim këtyre tjerëve t'i bëjmë të parbartë për të gjithë. Te neni 19 të këshilli drejtues i shkollës i kemi bërë i kemi bërë dy nene neni 19 dhe 20 psh te pika parë të neni 19 dhe neni 20 ne mundemi me i involvu me një nen për shkak se flet për të njejtën gjë, dhe të neni 24 dhe 25 po e shoh se i referohet të njejtat përgjithësi, gjithashtu dhe të komisioni diciplinor te neni 27 dhe 28 pra nese flasim për komisionin diciplinor dhe drejtori që i dërgon rastet në komision mendoj se duhet me i specifiku apo me i bë me një nen sepse po flasim për të dyja që i kanë të njejtat probleme, edhe të neni 37 dhe 38 është i njejtë, të neni 58 e kemi bërë 58.1.2.3 pasi që nuk kemi sqarim për të gjitha këto forma mendoj se duhet me shkru në vazhdimësi këto janë gabime teknike po mendoj se më mirë më i shiku me kohë, edhe të neni 66.10, dhe të procedurat arkimore na u kanë përzi nenet 72 kemi dal neni 75 ka gabime teknike që duhet t'i rregullojmë, në fund neni 73,74,75, 76,77 kështu me radhë që duhet me i rregullu pjesën përfundimtare.

Kryetari i Komunës z. Ramiz Lladrov – kërkoj falje publike për ngattrimin e neneve sepse zyrtari z. Hazir Elshani thot se iu ka ndal rryma dhe ka pas defekt kompjuteri dhe e kemi përmiresuar.

Nenkryetari I Komunës se Drenasit Nazmi Hasi- neni 19-20, neni 19 ka kuptimin apo funksionin mbi domosdoshmerinë e krijimit të këshillit drejtues ndersa neni 20 e ka për detyrë përgjithësitë detyrat dhe të gjitha obligimet që do t'i ketë këshilli drejtues konform ligjit 17 për arsimin parauniversitar këto duhet të qendrojnë të fusionuara për faktin se neni 19-20 do të na mundesojnë në kuptimin juridik që t'i përpilojmë edhe rregullore mbi zgjedhjen e këshillit drejtues të shkollës, rregulloren mbi punën e këshillit drejtues të shkollave si dhe për nenet tjera që i përmende po ashtu mundesin e fuzionimit neni 57-58 edhe këto iu paraprinë përpilimit të rregulloreve tjer, neni 27-28 do të pasojnë do të procedojnë mënjeher rregulloren për procedurat dhe masat diciplineore edhe për personel arsimor por edhe për nxenes.

Haka Tahiraj- një punë qka mua më shqeteson mua është etika e veshjes, problem është se e drejtë e gjithkuj është qka dhe si veshet, por sa i përket arsimit duhet me pas më shumë kujdes si mesimdhënesi ashtu edhe nxenesi sa i përket kodit të veshjes, psh mesuesi i ed fizike vjen me trinerka, mirpo etika e veshjes duhet me qenë tek mesimdhënesit, ne e kemi pas rregullorene me heret dhe ka shumë pak ndryshime krahasuar me rregulloren që ka qenë më heret me sa e kam shikuar unë.

Bedri Nika- kjo rregullore nuk është njera ndër rregulloret ma të mira të mundshme që mundet me qenë, gjitha diskutimet që janë nuk prekin në bazen e kesaj rregullore, ne nga pika 1 deri ne pikën e 79 mundemi me gjet verejtje të vogla të rregullores, por ajo qka dua të degjoj unë këtu është mendimi i komisionit që e kemi votar ne vet, a kanë punuar në atë rregullore dhe në rast se rregullorja ka ardh pa miratimit e komisionit atëher rregullorja të kthehet mrapsht, megjithatë ne mund të kemi verejtje për

shkolla për transportin e femijeve sepse nuk është adekuat nuk është i mirë sepse e ster ngarkojnë kombin me femijë. Unë nuk e mbështes rregulloren pa e degju mendimin e komisionit që ne e kemi zgjedh.

Nexhmedin Balaj- para vetes e kemi draft rregulloren për punën e institucionit edukativo arsimore dhe këtu po i përdorni politikat e veta dhe inatet e veta pikërisht për me e sulmu gjendjen në arsimim të harrojmë se në krye të kësaj rregullore e kemi objektivin e kësaj rregullore ku thotë është krijimi dhe funksionimi efikas i procesit edukativo arsimor në Komunën e Drenasit për realizimin dhe synimin e kompetencave të saj të mbështetura e të përcaktuara në aktë ligjore dhe udhëzime administrative që janë në fuqi lidhur me arsimin parauniversitar në Republikën e Kosovës, pra ne e kemi pas një bazë gjatë përpilimit të kësaj rregullore, edhe unë jam anetar i komisionit në përpilimin e kësaj rregullore.

Petrit Sinani- unë së pari kisha kërkuar nga komisioni paraprakisht një raport nga anetarët e komisionit me kundërshtimet që janë bërë sepse ne e kishim pas ma të lehtë pastaj me e votu për ose kunder, kërkesa në komision ka qenë që të futet kodi i veshjes në rregulloren e arsimit parauniversitar, neni 34.10 thotë veshja rregullohet sipas këtij udhëzimit 06/2014 mirëpo ne e kemi ngaterruar pak sepse nga ana ligjore thotë se nuk lejohet propagandimi fetar thotë decidivisht, nuk thotë askund që veshja ose kodi i veshjes është propagandim fetar keto dy gjera duhet me dit ne me i dallu. Kjo rregullore është punuar sipas mendimit tim në mënyrën ma të mirë të mundshme me përjashtim me ato gabime teknike që i cekim kolegu ma heret z.Gashi.

Nexhmedin Balaj- ky tha që nuk jeni unik, ne që dy vjet e gjysme jemi duke punuar në këtë rregullore, e vetmja gjë që nuk jemi unik është të kodi i veshjes që është e përcaktuar me udhëzim administrative.

Florentina Elezi- e përgezoj Drejtorin e Arsimit për arsye se kam qenë edhe ne debat publik edhe ne K.P.F-ca e përgezoj drejtorin dhe shpresoj që nuk do të ndryshoj sepse ka pas një kulturë shumë të mirë të komunikimit dhe shpresoj se kemi me pas edhe shumë persona të tillë para nesh, ajo qka nuk me ka pelqy nga komisioni ka qenë qasja ndaj personave që kanë qenë degjim publik edhe pse kanë qenë pak ka qenë shumë e ashpër prej disave gjithashtu edhe për neve anetareve të K.P.F-ca të cilin ne kemi qenë debat publik për me marrë rekomandimet që me i adresu ne para kolegeve tanë por edhe me ditë qka me bërë në K.P.F-ca kanë qenë sjellje teper agresive që mua nuk më kanë pelqy aspak, dhe po e shpaloj këtu si vërejtje se me pas kujdes ne herave të tjera me pas shumë kujdes se kanë po e votojme ne për komisione, dhe në K.P.F-ca ne kemi kërkuar raport i cili nuk është sjellë as sot, për qka keni pas kundërshtime qka keni votu qka jeni ardh deri te pajtimi ose mos pajtimi lidhur me këtë rregullore nuk kemi pas as në K.P.F-ca raport dhe nuk po e kemi as tani, i kam disa vërejtje psh te neni 17.1.6 janë ekipet mbështetese profesionale a janë ndonjë shkollë të Drenasit apo a pritët me qenë sepse me sa e di unë nuk janë, dhe më pelqyen shumë ekipi për parandalimin e dhunës, për braktisjen e shkollës dhe ekipi për parandalimin e dukurive negative, dhe të neni 18 sa i përket pushimit të gjatë unë kisha thënë që pushimi i gjatë 15 min është shumë i shkurter sepse nuk mundënme bë asgjë, të neni 34.10 ne jemi dalketu me i mbrojt te drejtat dhenë të mirë të qytetareve dhe jo me u mundu me ia mohu te drejtat askujt, dhe me këtë gjë nuk pajtohem me koleget e asambleiste, edhe tek neni 39 vlersimi për lëndë është i vazhdueshem dhe ndertohet gjatë semestrit me duket se duhet me qenë period sepse ndoshta është gabim teknik. Tek neni 39.4 dhe 39.5 kjo 39.5 ndoshta kish mjaftu me 39.4 ndoshta, gjithashtu edhe të neni 42 edhe unë kam qenë që me u shtu ora e kujdestarisë, dhe neni 66.6 gjoba është 50-100€ mendoj se duhet me qenë një shumë edhe me lartë por shpresoj se nuk ndodh kjo gjë në shkolla.

Vehbi Berisha - derisa po e lexoja këtë rregullore edhe unë vëreja tek neni 75 pika 2 u cek se organogrami i ankeses në vijim duhet të vendoset në hapsirë publike, ndoshta kishte qenë më mirë si formë organogrami më iu bashkangjiti kësaj rregullore dhe meqenëse rregullohen pozitat e gjithë akterëve në arsimin në Komunën e Drenasit ndoshta kishte qenë më mirë me iu bashkangjiti një organogram ku

tregohet përmes shigjetave niveli ipërgjithsive dhe raportimeve. Të pikat tjera i shikova ishin të sqaruara shumë mirë, dhe më gezoj fakti se nga kjo rregullore kanë më rrjedhë edhe disa rregullore tjera, unë personalisht jam kundër qdo dukuri që e pengon mesimdhënien dhe mësimnxënien në institucionet edukative arsimore në Komunën e Drenasit.

Z. Gani Podrimqaku- e hodhi në votim këtë pikë të rendit të ditës prezent gjatë votimit ishin 26 anetar:

Për votuan 22 anetar

02 abstenim

02 kunder.

Z. Gani Podrimqaku- hapi diskutimin për pikën e katër të rendit të ditës: **4.Raporti vjetor i punës së Kryetarit dhe Qeverisjes Lokale për vitin 2019.**

Sokol Bylykbashi - do të doja që të flasim sot për projektet e kohës së përparume por më duhet të flas për projektet të prapambetura që në fakt janë shumë të domosdoshme, konkretisht dua me fol për dy kategori të investimeve kapitale, pra për kanalizim dhe ujesjellës për gjendjen në terën, kur e mendojmë termin civilizim mendja na shkon të diqka e lartë diqka e ngritur dhe nuk gabojm ashtu është por në fakt thelbi i civilizimit është diqka tjetër është posht është në tokë me saktësisht është nëntokë civilizimi ka fillu me metrat e para të kanalizimit pse për shkak se është pra qenia e vetme që ka turp nga jashtëqitja e tij, me qëllim e zbrërtheva këtë term për më tregu rëndësin e kanalizimit pra jan 20 vite nga përfundimi i luftës ne i kemi lënë fshatrat e lagja të tëra pa kanalizim ,pa civilizim, i kemi lënë me turp e në fakt ai është turpi jonë, unë mendoj që ky raport që e kemi këty tani është dasht me qene raport i punës ku nevojat bazike të qytetarve siq është pra kanalizimi edhe ujesjellesi me na tregu përmes këtij raporti që ka një progress te madh apo ka përfundu komplet, kanalizimi dhe ujesjellesi janë kategori kapitale të cilat duhet me u përfundu para investimeve tjera nese ka një listë të prioriteteve në investim mendoj që kanalizimi dhe ujesjellesi duhet me qenë jo asfalti sa i përketë ujsjellsit unë i kam shenu disa të dhëna që i kam marrë nga njësit e ndryshme të ujsjellsit rajonal, por nese e krahasojm me Lipjanin nuk ka rëndësi kush qeveris Drenasi dhe Lipjani nuk kan shumë dallim me numrin e banorevë, pra Lipjani ne ujsjelles i ka të kyqur 9800 konsumator ndërsa Drenasi 5200 është dasht edhe na me punu në mënyrë që me kyq sa me shumë familje në rrjetin e ujsjellsit për shkak se kemi burimin me sa di unë vjen prej liqenit të ujmanit dhe është dasht qe ne në këtë rrjet të jepen të kyqur edhe me shumë konsumator ,sepse kemi shumë familje në shumë fshatra që nuk kan uj të pijes.Propozimi im është që në draft buxhetin tjetër për vitin e ardhëshem ,buxhetin që ne e kemi ndarë për asfalt me përgjysmu dhe pjesa e mbetur me shku për kanalizim dhe ujsjelles në mënyr që t'i përfundojm këto dy problem që janë shumë të domosdoshme dhe kanë impact edhe në aspektin shëndetësor dhe jetsor. Probleme të tilla kan fshatrat Tërstenik Polluzh,Verboc,Shtutic etj.

Kryetari i Komunës z.Ramiz Lladrovci-faleminderit shumë për propozimet mirëpo kërkesat se qfarë projektesh me bërë në komunën e Drenasit i marr nga debatet me qytetar për nevojat e tyre kështy që unë i kam humb do poena, por me një grand që do ta marrë afër 3.000 euro nga niveli qëndror për performancë të mirë në momentin që të miratohet buxheti ato shkojn në plus sikurse kemi marr qindra mija euro, për performancë të mirë dhe të gjitha ato mjete i kam investu në kanalizim të ujrave të zeza, dhe në pastrim të lumenjeve tanë, mirë është me cek dhe me thënë që askush lumenjet tanë nuk i ka pastruar prej që e mbaj mend pleqt e tanë 40 km për tre muaj i kam bërë dhe për gjatë lumenjeve dërgoj kolektoret me të vetmin synim qe ujrat e zeza me i largu prej fushave tona, lumenjeve, prrockave kështu që unë me gjithë atë të falendëroj, por krahasimin që e bërë komunës se Drenasit me Lipjanit është i pa arsyeshëm sepse një herë duhet me ditë lipjani sa fshatra edhe sa banor i ka pas edhe para lufte në rrjet të ujsjellsit e dyta nuk e dini numrin e saktë të ekonomive familiar që janë të lidhur në rrjetin e ujsjellesit,

Kishnareka është po thuhet tërë fashti në rrjet që im ka bërë komuna para neve po asnjëri nuk ka pranë edhe nuk ka hiri në rrjet dhe kemi humb edhe donacion nëse nuk gaboj për me ja dërgu orët me i lidh në rrjet mirëpo ata nuk kanë dashtë se pse janë mësuar me shfrytëzuar ujë pa pages prandaj duhet me mirëmbajt edhe bazenat e ujit atje edhe në Krajkovë, sepse edhe kjo është në rrjet por nuk kanë ujë astënjë sepse herë e bëjmë pronën private herë e bëjmë që është shpronsur ose që është hi dikush në punë në baze të asaj për me dhënë ujë por pa i kompletuar dokumentet nuk po them asgjë. Sot kush ka qenë në likoshan e ka pa rrjetin e ujesjellsit sekondarin gypat ende janë nëpër tokë mbi tokë pa i fut fare në tokë dhe askush nuk e din arsyeën po unë ka tri ditë që i kam kërku drejtorëve me komunikuar kompaninë e ujesjellsit rajonal të Prishtinës dega në Drenas për me e fut në CC edhe Drejtorin e qendrës sepse shumë rrjetit të ujesjellsit na mungojnë dhe nuk janë fare hiq në tokë, osë janë të dëmtuar dhe kjo e zvarrit rrjetin për disa fshatra të komunës tonë.

Sokol Bylykbashi - nuk po dua me ju hy në hak shumë qytetarëve sepse nëpër shumë lagje që ata e kanë bërë me vetfinancim ose me participim kanalizimin, edhe ujesjellin siç është rasti në lagjen time tek bylykbasht, pra qytetarët kanë kontribuar me aq sa kanë pasur mundësi. Sa i përket trajtimit të ujrave të zeza në kemi biseduar por unë këtë punën e ujeavë të zeza e shohë më tërë faza, faza e parë kur e hap kanalin e largon ujrën e zeza prej vendbanimit e deri të kolektorëve, faza e dytë janë kolektorët ata që i bartin ujërat e zeza faza e tretë dhe finale që kryhet procesi i ujrave të zeza janë impiantet, mirëpo sa i përket impianteve fabrikën për përpunimin e ujrës të zeza nuk kam dëgjuar që është bërë ndonjë debat, kam dëgjuar se egziston një impiant dikur në Drenas, nuk idi kapacitetet nuk e di a është funksional kështu kam dëgjuar, puna e impianteve është punë e grandëve qeveritare sepse ka kosto shumë të lartë 10 milion ose edhe më shumë varësisht nga kapaciteti dhe nevojave që i kemi, janë këto tri faza por në jemi shumë larg. Në fazën e parë qytetarët kanë kontribuar, komuna ka punë veçse ka defekte, ka ankesa sidomos gropa septike dhe disa pjesë të kanalizimit s'janë përfunduar siç duhet, pra unë them t'i përfundojmë edhe këto.

Kryetari i Komunës z. Ramiz Lladrovci-Sokol i falenderoi fqinjët tuaj por edhe të gjithë banorët tjerë. Mirë që po i cek këto faza, mirëpo si e kërkon rregulli është që së pari të ndërtohet impianti e pastaj të vendosen kolektorët e pastaj me u lidhë me lagje.

Petrit Sinani- unë e kam bërë edhe një kërkesë edhe me heret, kam debatuar këtu që Komuna e Drenasit të marrëpërsipër sikurse ujesjellesin dhe berllonun t'i kthejë në kompani komunale do të ishte mirë që herave të tjera të fillojnë procedurat dhe kjo normalisht të perfshihet edhe raporte punës, ndërsa sa i përket raportin nuk kam diqka për me diskutu.

Pasi nuk pati diskutime tjera z. Podrimqaku hapi diskutimin për pikën e 5 të rendit të ditës: **5. Propozim vendim për miratimin e Statutit të ri të QKMF-së Drenas.**

Pasi nuk pati diskutime, verejtje apo sugjerime z. Podrimqaku e hodhi në votim këtë pikë të rendit të ditës, ku present gjatë votimit ishin 21 anëtar.

Për votuan 18 anëtar

Kunder nuk pati

Abstenim 03.

Z. Podrimqaku- hapi diskutimin për pikën e 6 të rendit të ditës: **6. Draft-Propozim për ndryshim-plotësimin e Rregullores për Taksa, Tarifa, Ngastra dhe Gjoha 2020. E plotësuar.**

Pasi nuk pati diskutime, verejtje apo sugjerime z. Podrimqaku e hodhi në votim këtë pikë të rendit të ditës, ku present gjatë votimit ishin 21 anëtar:

Për votuan 18 anëtar

Kunder votuan 03 anëtar

Abstenim nuk pati.

Z.Podrimqaku - hapi diskutimin për pikën e 7 të rendit të ditës: **7. Propozim Vendim për caktimin e qirasë joprofitabile për përfituesit e programit të veçantë të banimit.**

Pasi nuk pati diskutime, verejtje apo sugjerime z. Podrimqaku e hodhi në votim këtë pikë të rendit të ditës, ku present gjatë votimit ishin 21 anetar.

Për votuan 21 anetar

Kunder nuk pati

Abstenim 03.

Z.Podrimqaku -hapi diskutimin për pikën e 8 të rendit të ditës: **8 . Të ndryshme.**

Petrir Sinani- unë po e paraqes një kërkesë që e kanë shumë biznese dhe shumë punonjes të këtyre bizneseve, po e shohum se shumicen e komunave ditën e diel të bëhet pushim për të gjitha bizneset, dhe po e dha si propozim që në seancën e radhës që të vie një propozim vendim në mënyrë që që ta bëjmë ditën e diel ditë pushimi për biznese, ligji e lejon këtë dhe është shumë mirë e përcaktuar edhe me ligj dhe me kërkesë të bizneseve për disa kategori të caktuara jo për të gjitha kategoritë e bizneseve. Po ashtu propozoj që inspektoriati i punës i Komunës së Drenasit të vazhdoj në inspekimin e punonjesve sepse po ka ankesa të ndryshme nuk po e respektojnë orarin e punës, po i mbajnë me orë të zgjatura.


Sokol Bylykbashi- edhe unë kërkoj dhe kam pas kërkesa nga punetoret dhe bizneset e ndryshme që dita e diel me qenë ditë pushimi. Por jo më ardh një propozim vendim këtu pa pas një takim me bizneset e Komunës së Drenasit.

Kryetari i Komunës së Drenasit z. Ramiz Lladrovci- unë sa herë që kam ankesa i përcjelli dhe i adresoj. Sa i përket dites së diel me qenë ditë pushimi unë as nuk jam me ndal as me e lene ditë punë, caktone ju një komision dilni folni me biznese.

Adem Bucolli- edhe unë jam për me formu një komision dhe me dal më fol me biznese dhe disa biznese kanë kërkuar që ditën e diel me e bërë ditë pushimi edhe unë jam për me e mbështet këtë.


Pasi nuk pati më diskutime, verejtje apo sugjerime z. Podrimqaku e konsideroj si të mbyllur seancën e Kuvendit Komunal Drenas.

Seanca përfundoj rreth orës: 16:45 min.

Procesmbajtëse

Liridona Fejza Ajazi



Kryesuesi i Kuvendit Komunal


Labinot Halilaj